



UPA 2015/77

Tillie Martinussen

27. maj 2015

**Nunatta Karsiata 2014-imut naatsorsuutaasa Inatsisartunit akuerineqarnissaat pillugu  
Inatsisartut aalajangiiffigisassaattut siunnersuut.**

(Aningaasaqarnermut Aatsitassanullu Naalakkersuisoq)  
(Siullermeernera)

2014-mut Aningaasanut Inatsisissatut siunnersuut amerlanerussuteqaqqalaartuni,  
Siumumeersunit, Atassummeersunit Partii Inuineersunillu akuerineqarmat,  
missingersuutigineqarput 24 millioner koruunit sinneqartoorutigineqassasut.

Taamani Demokraatini qularsimavugut isumarpot naapertorlugu missingersuutit  
neriulluarnarpallaaluatsiarmat taamaattumik taasigatta naaggaarpalput Aningaasanut  
Inatsisissatut siunnersuut tamakkerlugu. Isumarpot naapertorlugu piviusorsiunngippallaaqimmat.

Maannakkullu takusinnaalerparput, ilumoorsimalluta. Ilumuugaatsiarsimalluta. 2014-mut  
Landskarsip Naatsorsuutai amingartooruteqarput 222 millioner koruuninik. Tassa  
missingersuutaaqqaartunut naleqqiullugu nikinganeq 246 millioner koruuniuvoq.  
Akuerneqarsinnaanngilaq, tulleqqittariaqarnanilu.

Demokraatini tamanna tunngavigalugu iluarisimaarparput Aningaasaqarnermut  
Naalakkersuisoqalernikuugatta piviusorsiorluni missingersuusiortarnissamut pingaartitsisumik  
aallavigalugu nunarsuarmi pissutsit piviusut. Taamaallaat kaammattuinnassavarput  
pimoorussinini ingerlatiinnassagaa.

2014-mi amingartooruteqarnerup Demokraatinut ersarissitiinnarpaa ukiuni aggersuni  
akileraartarnermi tunguinermilu iluarsartuussinerit pisariaqarluinnartut aallartittariaqarigut.  
Pisortat ingerlatsiviini tamani pitsangorsaasariaqarpugut allaffissornermilu pisariillaalluta,  
immikkoortukkuutaat naalakkersuisoqarfili assigiinngitsut sutigut ataatsimut



pitsangorsaaqatigiissinnaanerat sulissutigisariaqarparput qularnaarumallugu pitsangorsaatit ingerlatagut suleqatigiinneq anersaaralu pissasut kingunerissallugit sipaaruteqarneq pitsangorsaanerlu.

Sipaassanngilagut sipaarniaannarluta, kisianni sipaarnissaq allanngortiterinissarlu pisariaqarput avaqqunneqarsinnaanatillu siunissami tungiuinissaq eqqarsaatigalugu.

Aamma Inatsisartuni immitsinnut qiviartariaqarpugut. Aningaasartuutitalinnik amerlavallaanik suli aalajangiisarpugut aamma siunnersuuteqartut aningaasalersuinissaq ilanngunneq ajorpaat. Pikkorinnerulerteriaqarpugut. Aningaasanik atuissagutta aamma oqaatigisinnaasariaqarparput aningaasat sumi pissarsiarisinnaanerlugit, piviusorsiortumik. Aamma akuerisariaqarpoq amerlanerussuteqartut nammineq kissaatigisamut naleqqiullugu allaanerusumik pingarnersiuisariaqartarnerat.

Taamatut oqaaseqarluta 2014-mut Landskarsip Naatsorsuutai suliarilluaqqullugit Kukkunersiunermut Ataatsimiititalilamut innersuuppagut.